

地(50-29)

42

8

# 靈寶縣志

## 卷之十

外紀古蹟

禮祥孝悌忠義

列女烈女

義勇人瑞

救濟

卷之十 外紀 古蹟 機祥 續查孝悌忠義列女各項

左傳之外厥有國語志所未及而旁搜以廣其記載則外紀著焉至古蹟足徵地方沿革機祥以見陰陽舛錯若孝悌忠義列女烈女義勇人瑞救濟更足型方訓俗均爲讀志者所欲知修志者焉敢付諸闕如哉謹志各項如左

甲 外紀

一 紀事

周武王放牛於桃林之野

虢仲虢叔爲文王卿士助在王室文王友愛二弟謂之二虢武王十三年封虢仲於故夏之墟宏農陝縣東南之虢城是

靈寶縣志

卷十

外紀

一

新豫印刷所承印

爲西虢封虢叔於滎陽是爲東虢東虢檜爲鄭桓公所滅在幽王之世入春秋則已無東虢矣左傳虢叔死焉此東虢也王貳於虢此西虢也孔穎達正義云春秋列國邾有小邾燕有南燕而虢直名爲虢者於時東虢已滅故不復別之爲西也今鄭州汜水縣東十里有東虢城以東虢爲鄭滅時尙有西虢故別之爲東陝州靈寶縣治南有虢州城時止有一虢故不復別之爲西亦猶春秋之稱虢也

顯王三十九年秦伐魏圍焦曲沃

慎覬王三年楚趙魏韓燕伐秦攻函谷關秦出兵迎之五國皆敗走

秦 救王十七年齊韓魏伐秦敗其軍於函谷  
莊襄王三年秦伐魏魏公子無忌率五國之師敗之追至函  
谷而還

二世二年冬陳涉所遣周章等將西至戲應邵曰戲宏農湖西界也

秦章邯擊破周章軍而走遂殺章曹陽晉灼曰亭名在宏農東十三里

漢 高帝二年正月漢王出關至陝撫關外父老還

武帝元鼎三年冬徙函谷關于新安以故關爲宏農縣成帝  
時以南山羣盜備宗等數百人爲吏民害拜故宏農太守傅  
剛爲校尉將邀射士千人捕逐

更始二年十二月青犢赤眉賊入函谷關攻更始

靈寶縣志 卷十 外紀

二 新豫印刷所承印

更始三年正月赤眉至恆農與更始諸將連戰克勝衆遂大  
集前及鄭乃相與議曰今迫近長安當求劉氏共尊立之六  
月遂于鄭北設壇場立劉盆子爲帝古今注在枯椏山下屬宏農

更始三年二月更始遣討難歸軍蘇茂拒赤眉于恆農茂軍  
敗死者千餘人三月遣李松會朱鮪與赤眉戰于務鄉松等  
大敗棄軍走死者三萬餘人續漢志宏農有務鄉東關記曰徐宣樊崇等人至宏農枯椏山下

下與更始將蘇茂戰崇北至務鄉轉至湖湖卽湖縣也以此而言務鄉蓋在虢州湖城縣之間

後漢 光武建武二年二月遣驃騎大將軍景丹率征虜將軍祭遵  
等二將軍擊宏農賊敗破之

建武二年赤眉延岑暴亂三輔郡將大姓各擁兵衆大司徒

鄧禹不能定乃遣馮異代禹討之勅異曰三輔遭王莽更始之亂重以赤眉延岑之酷元元塗炭無所依訴今之征伐非必略地屠城要在平定安集之耳諸將非不建鬪然好虜掠卿本能御吏士念自修敕無爲郡縣所苦異頓首受命引而西所至皆布威信宏農羣盜稱將軍者十餘輩皆率衆降異建武三年正月鄧禹自河北渡擊赤眉於湖禹復敗走赤眉遂出關南向

晉

永嘉二年漢劉聰等長驅至宜陽聰恃連勝不設備宏農太守垣延詐降夜襲聰軍大敗而還

魏北

永平二年薛安都寇宏農八月冠軍將軍封禮率騎二千從

靈寶縣志

卷十

外紀

三

新豫印刷所承印

涇津南渡赴宏農

孝武帝永熙三年帝至稠桑潼關大都督毛洪寶迎獻食八月宇文泰遣大都督趙貴梁禦甲騎二千來赴乃奉迎帝過河謂禦曰此水東流而朕西上若得重謁洛陽廟卿等功也帝及左右流涕

魏西

文帝大統十六年秋七月安定公宇文泰東伐至宏農齊師不出乃還八月丁丑宇文泰率李弼等十二將東伐至潼關獲東魏將高叔禮送於長安戊子至宏農攻之城潰擒東魏陝州刺史李徽伯虜其戰士八千守將高干走渡河命賀拔勝追擒之並送長安於是宜陽邵郡皆歸附

東魏 靜帝武定元年三月勃海王高歡大敗西魏師於邙山追奔至宏農而還豫洛二州平

周 武帝保定五年十月改函谷關爲通洛防

隋 恭帝義寧二年唐劉文靜取宏農

李密既歸唐拜光祿卿封邢國公殊怨望未幾聞故所部將多不附世充者高祖詔密以本兵就黎陽招撫故部曲經略東都王伯當以左武將軍爲密副馳驛東至稠桑驛有詔復詔密密大懼謀叛伯當止之不從乃簡驍勇數十人衣婦人服戴冪離藏刀裙下詐爲家婢妾者入桃林傳舍須叟變服遂據其城掠蓄產趨南山而東馳告張 相以兵應已熊州

靈寶縣志

卷十

外紀

四

新豫印刷所承印

副將盛彥師率步騎伏陸渾縣南邢公岵之下密兵度橫山擊斬之伯當俱死傳首京師

唐 武后垂拱三年九月虢州人揭初成自稱郎將募州人迎廬陵王於房州不果見殺

明皇天寶十五載六月丙戌奇舒翰及安祿山戰于靈寶西原敗績肅宗至德二年九月廣平王領番漢之衆收西京走安守忠賊之死者積如山阜王師乘勝至陝郡賊懼令嚴莊領其驍勇來拒廣平王遣副元帥郭子儀等與賊戰於陝州西之曲沃大破之斬首十餘萬嚴莊奔十月戊申郭子儀等進攻與賊戰于陝州西之新店賊衆大敗斬首十萬級橫屍

二十里庚申安慶緒與其黨奔河南

宋 眞宗大中祥符八年八月戊戌詔京兆河中府陝同華虢等州貸貧民麥種

高宗建炎三年春正月辛卯都統邵興及金人戰于潼關敗之復虢州

紹興三年夏四月丙申僞齊李成攻陷虢州

詔興五年九月丙寅岳飛遣統制王貴郝晟董先復虢州盧氏縣

金 世宗大定初蒲察世傑復虢州

宣宗貞祐四年十月庚申招射生獵戶練習武藝熟山徑者

靈寶縣志

卷十

外紀

五

新豫印刷所承印

分屯陝虢要地

元 世祖至元八年九月降虢州爲虢略縣十年十二月省陝州虢略朱陽二縣入靈寶

順帝至正十六年九月汝穎賊黨李武崔德等西陷陝州遂斷崤函勢欲趨秦晉察罕帖木耳往擊之鼓行而西遂拔崤陵立柵交口陝州城阻山帶河賊轉南山粟給食固守攻之猝不下察罕乃焚馬矢營中如炊烟狀賊畏兵衆不敢逼而夜提兵拔靈寶城賊始覺卽棄陝州渡河陷平陸掠安邑蹂晉南鄙察罕追蹙至下陽津溺死者甚衆

明 崇禎七年春正月庚寅總兵官張應昌渡河敗賊于靈寶夏

四月賊自湖廣走盧氏靈寶八年七月十三日張獻忠突朱陽關總兵尤世威禦諸虜台敗績

十月左良玉抵靈寶合遼東總兵祖寬兵剪賊於澗口焦村  
焦村朱陽關地也十一月李自成出朱陽關張獻忠入陷靈寶闖王高迎祥亦與合良玉寬禦之靈寶不能支陝州陷

清康熙四十二年十月聖祖仁皇帝西巡回鑾經靈寶駐蹕曲沃鎮摩雲寺越日至陝州

同治元年五月粵匪偽扶王陳得才偽端王藍成春偽遵王賴文洸偽啓王梁成富偽天將馬融和等率黨三萬餘人由華陰越潼關突豫境初四日陷閩鄉遂進圍靈寶會陝西駐

靈寶縣志

卷十

外紀

六

新豫印刷所承印

防委營總圖克唐阿率馬隊三百抵境縣令杜翊納之與爲城守賊攻三晝夜皆擊却先是修城掘地得明季舊礮一尊置城上守兵發之適斃賊目賊駭退遂攻破近城各寨殺虜之慘幾無孑遺越日竄入陝州

八月皖匪捻首姜太林孫四牙王懷義周化臨韓老萬張小明等分股繞山徑入陝州二十一日竄靈寶代理知縣康曾定會同城文武紳耆竭力守禦先是五月粵逆犯靈寶守城火器缺乏曾定籌經費購置大小礮三十餘位甫抵縣賊亦踵至城賴以守賊遂率大股分踞各鄉村焚廬舍破砦柵恣殺擄掘窖藏烟焰彌空尸骸橫野蹂躪十四晝夜乃颺去入

盧氏

五年九月二十五六等日皖匪張牛一股由韓城鎮觀音堂竄陝州夜至靈寶西界縱火焚掠照耀如晝沿途居民悉受其害俄由閩鄉疾馳入陝

光緒二十六年八國聯軍入京光緒奔陝西二十七年東還宿靈寶

宣統三年九月陝西革命軍起東取河南趙周人帶毅軍相拒于靈寶十月清廷遜位共和告成毅軍始行東去

民國四年靈寶土匪大起鎮嵩軍統領劉鎮華駐靈清鄉勦殺罄盡靈寶安堵至今人頌德政焉

靈寶縣志

卷十

外紀

七

新豫印刷所承印

民國十一年六月寶豐匪首張廷獻架匪數萬西來六月二十七日陷治城焚殺擄掠目不忍觀第二日陷虢略鎮糜爛半月之久四鄉無不受害鎮嵩軍擊之始南竄

民國十四年冬國民二軍由豫回秦鎮嵩軍總司令劉鎮華圍之於靈寶四十餘日二軍被困繳械

民國十五年冬鎮嵩軍由陝西退回尾部駐劄靈寶五個月秩序稍亂地方損失甚鉅焉

民國十八年國民一軍由山東河南退劄靈寶軍無現糧地方麥禾亦三年未收軍民交困軍隊日日向民間挨戶搜糧民不聊生相率逃往他縣而土匪亦從此大起焉



民國十九年本縣澗口村李學正爲自衛團大隊長督同李超李宗超焦子安許仁卿杭睿軒許鼎臣等會同各區壯勇認真清鄉殺匪數千地方始定本年秋間國軍十七路逐國民一軍西去靈寶漸有秩序逃民復漸漸遷回焉

## 二 紀言

左傳守桃林之塞杜注今潼關是也三秦記曰桃林塞在長安東四百里元和郡國志桃林塞自靈寶以西至潼關皆是也

帝王世紀云虢有三焉周興封虢仲於西虢此其地也封虢叔於東虢卽成臯是也今陝郡平陸縣是北虢

## 靈寶縣志

### 卷十

外紀

八

新豫印刷所承印

應邵漢官儀云宏大也所以廣大農業也

戴延之西征記曰函者道形如函也孫卿子曰秦有松柏之塞是也尹翁歸舉孝廉爲宏農都尉徵拜東海太守辭廷尉于定國定國家在東海欲屬托邑子兩人令坐後堂待見定國與翁歸語終日不敢見其邑子既去定國乃謂邑子曰此賢將汝不任事也又不可干以私

老氏聖紀圖河上翁授漢文帝道德經經旨與帝乃齋戒受之唐開元七年左庶子劉子元上議今之所注老子是河上翁其序云河上翁者漢文帝時人結茅庵於河曲因以爲號以所注老子授文帝因冲空上天不經之鄙言流俗之虛語

漢藝文志注老子者有三家河上所釋無聞焉請黜河上翁  
升王弼所注司馬徽亦云漢史實無其人然所注以養神爲  
宗以無爲爲體請河王二注俱行

韓休爲虢州刺史虢于東西京爲近州乘輿所至常稅廐芻  
休請均賦他郡中書令張說曰免虢而與他州此守臣爲私  
惠耳休復執論吏曰恐忤宰相意休曰刺史幸知民之弊而  
不救豈爲政哉雖得罪所甘心焉訖如休請 盧杞爲虢州  
刺史奏言虢有官豕三千爲民患德宗曰徙之沙苑杞曰同  
州亦陛下百姓臣謂食之便帝曰守虢而憂他州宰相材也  
詔以豕賜貧民遂有意柄任矣俄召入踰年拜相按兩人皆

靈寶縣志

卷十

外紀

九

新像印刷所承印

以虢州守臣言公家事而休見疑於名相杞受知於猜主遇  
合有命信哉

楊於陵寶歷中以僕射入覲其子嗣復率兩榜門生迎於潼  
關宴新昌里第時元白俱在賦詩席上楊汝士詩先成元白  
覽之失色汝士大醉歸謂子弟曰吾今日壓倒元白

裴令公度居洛夜飲半酣公索句元白有德色時公爲破題  
次至楊汝士曰昔日蘭亭無豔質此時金谷有高人白知不  
能加起裂之曰笙歌鼎沸勿作冷淡生活元顧曰樂天所謂  
能全其名者也

三 紀物

夸父之山多櫻柎竹箭多犛牛羝羊陽多玉陰多鐵挑林多野馬

山海經云夸父之山其北有林名曰桃林廣圍三百里中多馬造父于其中得驊騮騏驎之乘以獻穆王

硯史云西都會聖宮石在溪澗中色紫理如琥石琥州石理細如泥色紫可愛發墨不滲

筆經曰宏農張芝用鼠鬚筆

#### 四 紀異

呂氏春秋曰有莘氏女子採桑得嬰兒桑中其母居伊水故

命之曰伊尹 伊尹母化為空桑

春秋莊公三十二年秋七月有神降於莘以聲接人居莘六月

范曄後漢書張楷字公超隱居宏農山學者隨之所居成市能為五里霧後華山南遂有公超霧市

吳均續齊諧記宏農楊寶見一黃雀為鴟梟所搏取之以歸置布箱中養之百餘日毛羽成朝去暮還後寶久讀書未臥有黃衣童子向寶再拜曰我王母使臣昔使蓬萊不慎為梟所搏蒙君仁愛救拯今當受使南海不得奉侍以白環四枚與君令君子孫潔白且位登三事當如此環矣

#### 乙 古蹟

一 關塞

函谷關在縣南十里澗水西之王塚村老聃西度田文東出卽此關也今廢

柏谷在縣西南一百里中有亭昔晉公子重耳出亡及柏谷卜適楚狐偃曰不如之翟漢武帝嘗微服行至此見饋亭長妻故潘岳西征賦云長徵客于柏谷妻觀貌而獻餐皆此地也

桃林塞在縣西原自此至潼關一百二十里皆古桃林又曰桃邱聚函關百二之險卽指此也

稠桑在縣西二十里春秋虢公敗戎于桑田唐屈突通與劉

文靜相拒皆此地也

項城在縣西南七十里卽項羽與漢持守處今猶曰項城村宏農古城在秦函谷關東漢元鼎間徙關于新安以故關爲宏農縣建安四年詔以劉備爲司隸校尉治宏農卽此今人往往于沙中得銀錢器物蓋函關在王塚古城卽今之沙坡也

務鄉赤眉破李松處卽先馬務里也

曹陽亭今好陽舖也漢獻帝嘗露次於此曹操改曰好陽又有曹陽臺

虢州古城在縣南四十里元魏置西恆農郡隋改爲宏農又

稱鳳林郡唐改爲虢郡既又稱虢州五代及宋金因之元降爲虢略縣復廢爲鎮今城址尙存

玉城廢縣在縣東南八十里元魏置石城郡統玉城縣西魏罷之唐復置縣屬虢郡後改屬虢州宋省入虢略縣今止存城隍等廟及其縣令李君德政碑

朱陽故城在縣西南一百里元魏置朱陽郡統朱陽縣後周廢之隋復置縣屬宏農郡又以朱陽故郡爲邑川縣已而併入朱陽唐又改屬虢州宋省入常農縣元併入靈寶縣今城隍廟尙存故學內有大觀聖作碑

洹津關義甯間置貞觀初廢關置津今陌底渡是也

靈寶縣志

卷十

古蹟

十二

新豫印刷所承印

西原在城西南五十里哥舒翰出關次靈寶西原道險阻其南薄山北距河安祿山以數十人先伏險翰浮舟中流觀兵謂賊易耳促士卒進道阻無行列賊乘高推石而下擊殺太甚帥遂潰

晉王斜在稠桑西原先是行旅遇暑人畜多渴死館驛使中丞宋祥開新路自稠桑西由晉王斜人皆便之

夾灘金天興初靈寶義軍張信侯集壯士三百餘於北河夾灘上立水柵以守北將忽魯罕兒乘淺攻之不能克

稠桑驛在縣西二十五里唐詔李密招撫黎陽至此有詔止之密乃衣嬪人衣入桃林傳舍據城以叛今其地猶呼爲東

西古驛云

康熙路清康熙四十二年十一月二十七日聖祖西巡回鑾至靈寶西三十里鋪忽白兔起田間聖祖挽強躍馬應弦而得遂由東古驛嶺過沙河橋出函關土人呼其路爲龍路

二 八景

老子故宅在城西北一里治城爲隋時所建則老子故宅必始於唐無疑元元貞元年安西賢王北覲至靈寶捐中統寶鈔三百兩重修之自是以後代有主持爲靈寶八景之一民國十八年爲駐軍拆毀作薪今則一片瓦礫場矣

龍逢古墓在城西南五里函谷關內孟村原上有大塚一卽

靈寶縣志 卷十

古蹟

十三

新豫印刷所承印

龍逢墓夏時直諫桀殺之故亦名直臣墓旁有小塚俗傳爲皇姑墓蓋龍逢在夏爲國戚故直諫而死又傳龍逢爲漢關壯穆侯之遠祖史無定徵以疑傳疑可也

項城暮雨在項城村後石崖陡峻水從上而下激成瀑布望之成雨亦勝景也

漢廟古柏在秦山之尾有漢高皇廟與項城隔宏農澗項城在澗東漢王廟在澗西蓋因項羽入關時與漢兵相拒於此後項羽敗土人於此立漢王廟中有古柏年久蔭廣故爲八景之一也

函關鷄鳴在縣南十里王梁村今尚有田文臺故址係用田

文出關客學鷄鳴故事列入八景焉

桃林牧豎自潼關以東直至縣西二十里之稠桑鎮均為古  
桃林塞武王克商放牛於此故桃林牧豎亦列入八景之一焉  
秦嶺雪樵靈邑多山秦嶺甚峻中多樹木居民冬閑之日常  
以採樵為業故列入八景樵於雪地亦無足觀不過傳秦嶺之  
勝地耳

黃流晚釣城西北二里為秦嶺抵黃河之處亦為宏農澗入  
黃河之處每至夕陽返照秦嶺盡處峭壁之影照入黃河遠  
望如漁翁垂釣天然勝地故列入八景焉

三 陵墓

靈寶縣志 卷十

古蹟

十四

新像印刷所承印

楊后陵

在縣南蛇頭嶺上晉武帝后楊駿女也咸甯二年立

無子太子妃賈氏妬忌帝將廢之皇后勸止數賈妃不知  
后之助己因以致恨及帝崩尊為皇太后后賈后凶悖忌后父  
駿執權遂誣其為亂詔誅駿內外隔塞后題帛為書射之城  
外曰救太傅者有賞賈后遂宣言太后同逆廢太后為庶人  
初誅駿留駿妻龐氏命以慰太后心及太后抱持號叫截髮稽  
顙上表詣賈后稱妾請全母命不見省初太后尚侍御上  
餘人賈后奪之絕膳而崩後歸葬故里土人立祠祭之名曰  
思鄉廟有碑記

龍逢墓

關龍逢夏太夫河南郡人初桀觀炮烙于瑤台謂龍

下苦之而君以樂為君之股肱何不悅乎桀曰聽子諫  
諫得我改之諫不得我刑之龍逢曰臣觀君冠危石也臣觀  
君履春冰也未有冠危石而不墜履春冰而不陷桀笑曰是  
日亡則與俱亡子知我之亡而不墜履春冰而不陷桀笑曰是  
吾觀子龍逢赴火而死歸骸本郡葬于縣南五里孟村之西  
原塚大數畝唐為立碑大書夏直臣關公之墓有祠在東關

楊駿墓 在縣南三里楊后陵之旁有晉太傅塚即楊后父也

五侯墓 在縣東南十里西窩村之北楊氏五侯葬此

魏徵墓 在縣東南十里南陽村之東塚大畝餘士人相傳為魏公墓

欒巴墓 神仙傳曰欒巴蜀人徵尚書郎大朝得酒不飲向南嚶之帝問巴巴曰臣本縣成都失火臣以酒為

雨救之帝驛問咸云雨從北來有酒氣墓在縣東南三十里欒村之北

靈寶縣志 卷十 古蹟

十五

為德印刷所承印

竇建德墓 在縣西南一百二十里將軍嶺下

許氏先塋 在縣南十五里梁村葬勅贈刑部尚書諱聚者以上宅兆形勝世莫與京焉

許襄毅墓 在縣南一里明吏部尚書諱進勅葬

許莊敏墓 在縣東南四里明南京戶部尚書諱誥勅葬

許文簡墓 在縣東南五里明吏部尚書文淵閣大學士諱

讚勅葬

許恭襄墓 在縣東南十里明兵部尚書諱論勅葬

何侍郎墓 在縣北二里明戶部侍郎諱鈞勅葬

楊方伯墓 在縣東南四里明雲南左布政使諱惟康墓



四 寺觀宮樓

鷄鳴臺 在縣南十里舊函谷關

玉仙廟 在城南二里背山面河曲折高聳上有玉皇老君及諸仙閣洞

瞻紫樓 在城西二里禹王廟前卽望氣台也

尹喜故宅 在城南十里秦函谷關卽老子著道德經處唐開元末得靈符於此改元天寶改桃林曰靈寶

田千秋園 在縣南三十里卽今田村宋范鎮有詩

上陽宮 唐建今廢

桃源宮 唐建今廢

靈寶縣志 卷十 古蹟

十六

新豫印刷所承印

翠微宮 在縣北黃河南岸唐武則天東幸駐蹕之所今城址猶存俗呼爲沙城

三堂 在唐魏州治南岐薛二王刺史時建取人臣在三之義呂溫爲記今圯

西樓 在魏州城西唐岑參詩云秋來無覓處只上郡西樓唐士大夫皆餞客於此

長橋 在縣西南九十里宏農澗中臨岸石上僅有遺跡

昆羅寺 在宋曲里女郎山左係梁武帝普通年間勅建

保聖寺 在李曲村唐開元十七年勅建

御題寺 在南門內唐寶應初德宗爲雍王時征史朝義過

此留詩于壁故名有碑記

奉慈寺 在五底村唐永徽年間勅建乾隆十年僧人可通可興重修

禪林寺 在轆轤關宋大觀五年勅建

嚴福寺 在朱陽里故城內宋大觀十年勅建

開元寺 在虢州故城內元中統年勅建

延壽寺 在朱陽里涵頭村元至正六年勅建中有魚塘谷

兩三月魚從穴出又名魚窟

觀音寺 在神窩村大定十六年建

彌陀寺 在墻底村成化乙未年建

靈寶縣志 卷十

古蹟

十七

新豫印刷所承印

永慶寺 在萬渡村成化三年建

永明寺 在巴婁隆慶三年建

苦煉寺 在澗口萬歷十六年建

上雲寺 在玉城縣故城勅建

普照寺 在虢州

經藏寺 在東關

玉泉寺 在南朝

普福寺 在項城

雲林寺 在縣南五里

連聖寺 在萬興里馬村

柳林寺 在營田溝

冲天寺 在冲天寨

藥師寺 在稠桑里古驛村

清涼寺 在永泉里水泉村

天壽寺 在留村

佛山寺 在董家莊

蓮池寺 在賈村

香山寺 在寺河街

曇香庵 在縣治內

興隆庵 在中河村

靈寶縣志

卷十

古蹟

十八

新豫印刷所承印

得相庵 在婁下村萬歷七年建

太初宮 在縣南十里王堦村唐天寶初勅建天寶觀宋崇

甯間甘露降真武殿改爲太初宮元大德四年重修卽尹喜

故宅

界溝寺 在東車村村南

聖祖宮 在城北唐天寶元年勅建元大德六年重修

混元宮 在虢州西卽西樓舊基萬歷三年建

玉真觀 在縣東南三十五里老君原上

靈泉觀 在池頭村

長春觀 在岷山村宋宣仁六年勅建

玉陽觀 在李曲里明嘉靖年間重修

洞陽觀 在魏州故城內景泰六年重修

元真觀 在墻底村明隆慶四年建

重陽觀 在婁下村成化四年重修

太虛觀 在城內延祐三年建洪武甲子重修清邑令江繁

重修

猶龍觀 在北朱陽

金華觀 在賀村

玉巖觀 在靈閣交界處

丙 機祥

靈寶縣志 卷十

機祥

十九

新豫印刷所承印

漢 建武七年六月大水宏農都尉治為水所漂殺民傷稼壞廬

舍二十九年宏農蝗熹平四平安農螟

晉 永平三年宏農雨雹深三尺咸甯五年宏農雨雹太康元年

又雹二年再雹元康三年復雹

唐 開元末桃林縣南尹喜故宅得靈符

後唐 咸平二年七月庚寅靈寶縣暴雨崖圯摧壓死者十有二戶

宋 大中祥符三年七月魏州聖女觀生芝草三本

元 至順元年靈寶螟

明 成化二十年靈寶大飢民死徙者殆半

嘉靖六年冬十二月靈寶縣馮佐村黃河清凡三日

嘉靖七年冬飢民多餓死

嘉靖十一年靈寶獲白鹿是年縣民李仁子牽犬出獵坐崖下崖傾壓焉犬歸號甚急仁乃從犬所之犬跑覆土露一裾因掘得其子救良久復甦

嘉靖乙卯年地震寺廟民房傾圮無數

崇禎十一十二三年天道亢旱赤地千里寸粒不收人民飢死者十之四五

崇禎十四年流寇破城有被殺者倉庫官衙俱焚子遺逃竄地土荒蕪

清順治十三年六月門水暴發漂沒房屋居民有被溺死者

靈寶縣志

卷十

祥祥

二十

每頁白麻所承日

康熙元年秋霖雨三十日

康熙十一年秋蝗飛蔽天食禾殆盡

康熙十四年夏旱兩月禾苗未生百姓惶恐通報上憲題請蠲免錢糧十分之三

康熙十六年六月初九日暴雨衝崩東西城湮沒民間房屋有百餘所

康熙十八年秋霖雨自八月初四日起至九月初十日晴房傾墻圮秋禾鮮收

康熙二十七年六月十三日夜暴雨壅閉西門水至丈餘人民號泣忽城西門自裂乃免

康熙五十九年大旱秋禾全無多令損俸沿村粥賑

乾隆八年七月內梨灣寨等十八村秋禾被災六分蠲免大糧十分之一賑濟常平谷一千九百四十六石

嘉慶二十九年九月二十日夜地震房屋傾圮傷人無數

道光十年又四月二十二日戌時地大震

道光十七年夏旱蝗飛蔽日秋蝻食禾殆盡

道光二十二年夏蝗二十九年八月十四日雨雪傷禾二十四日大雨雹

道光二十三年七月十四日午黃河暴漲城西門外水深丈餘漂流房舍樹木無算

道光二十六年大旱邑人有剝木皮搗石爲麵以救飢者道殣相望至次年秋乃雨

咸豐三年六月十八日夜大雨好陽河水暴漲至神窩村水面忽起如樓舍中有笑語聲少頃水益大漂沒廬舍人畜甚衆

咸豐六年蝗七年又蝗十年黑蟲食禾

同治元年蝗二年二月初八日霜麥苗盡稿八月霖雨十四日棉花朽落者大半三年雨雹大如卵擊傷人畜無數九月十四日午刻空中有聲如鼓者三頃之樂音繚亮自西北迤邐而東移時始杳

同治五年夏縣南十里麥秀兩歧

同治六年七月黑蟲食禾西路諸村被災尤劇

同治十年四月初一日晚十里堡崖崩壓死數十人十一年四月初八日黃風大至偃禾拔木

同治十一年五月十一日午有風濱河起旋轉如車輪扶搖直上數十丈其下方正如臺中秀竦上嶽嶽具樓閣狀碎訶有雷聲折而西至闕之旅店村又折而北渡河所至居民屋舍樹木多損傷者

同治十一年五月又有羊角風自西南至川口鎮北有居民吳某遇之昏暈仆地移時始醒雙目失明隣村有卜者習祝

靈寶縣志

卷十

祥祥

二十二

新島印

咒之術試治之越日愈

同治十三年六月初一日雨雹雷電以風馬泉頭陽店等十餘村損傷禾棉殆盡大木斯拔八月初二日復大雨雹東古驛等十餘村亦如之又霪雨四十餘日

光緒二三年兩載無雨赤地千里人犬相食靈邑戶口損三分之一二二六年天旱秋禾未收人有餓死者

民國元年大旱秋禾未收

民國十六十七十八三年大旱麥禾三年未收土匪蜂起人民逃出外境者數千家

民國二十二年三月自北村以下至官莊村黃河清半日澄

澈見底人以爲吉兆云

民國二十三年五月麥將熟有怪風自西來麥穗折損其半

民國二十三年九月一號大雨雹有鷄卵大者花棗受損

續查近代孝悌忠義列女烈女義勇人瑞救濟

### 孝悌忠義

張秀 下原頭村人父文獻贈承德郎明正統時捐粟一千五

百石正統皇帝差大行人何公史訓資勅至家樹立門牌封

爲義民勅文刻黃沙碑存張氏家廟知縣秦中亦立碑誌之

乙榜象明武秩麟綏之先祖也

此項補舊誌之遺

樊錫齡 字夢九北村人天性孝友翰林院編修薛書常爲之

## 靈寶縣志

### 卷十

#### 孝悌忠義

一二十三

新豫印刷所承印

### 撰碑

樊昌林 庠生北村人道光壬辰歲飢公出藏粟施賑道光丙

午丁未間歲又大旱公悉捐所應收稞租又於好陽河捐設

義橋同治元年髮捻之亂公先事籌備渡船拯救者衆戶部

主事李鏡江爲之撰碑

劉之梅 胡家原村人嘗出貲助鄉隣之貧不能娶喪不能葬

者且善於排難解紛受惠者多爲之懸伏羲疎財德並秦嶽

之匾

趙中策 字獻三船底村人歷任團練局局總保衛團團總幫

同劉雪帥清鄉在閩邑槍決桿匪二百餘名民國十年造土



槍拒匪被巡緝隊訛洋八百元一家獨担一文未曾攤派臨死猶囑子嘉禎努力剿匪亦義士也

劉暢懷 字樂三水泉城人九品銜光緒三年散谷五十餘石銀百餘兩族鄰感恩懸一門匾文曰義重南金

劉 緒 字讚卿水泉城人光緒三年出銀三百兩賑濟獎以六品銜

張重仁 小常村人民國十九年散糧二十餘石全活頗衆

王宏謐 東邱上村人性至孝年四十事事受母命母歿廬墓終身不吃酒肉不觀戲劇

董全孝 西上村人事親至孝終身無疾言遠色曾任西路勸

靈寶縣志

卷十

孝悌忠義

一二十四

新豫印刷所承印

學員盡力供職人無間言

雒清輝 梨灣村人光緒三年散錢百餘串賑飢

王雲呈 趙金銘 王進昌 王正義 王相 趙鳳儀

肖昇平 以上七人均東上村人民國八年大旱各出谷兩石

賑濟

王羨曾 字肖先平村人邑庠生歷辨地方公益不支分文薪水精醫術寒暑無倦畢生不受謝儀人稱爲眞讀書者云

尚西玉 尚家莊人世業農仗義疏財事母至孝且善排難解紛人以其爲桃林魯連常云欲爲仁人休想發財欲發財不得爲仁人

孟廣新 濁峪村人其父孟學士因村中羣鬥傷人學士爲首  
事擬流黑龍江學士去時廣新三歲及長欲尋父親族阻之  
不得遂措資徒步北上至北京資已竭適有外蒙古進貢者  
聞其事憐之言蒙古去黑龍江稍近將廣新帶至蒙古廣新  
又由蒙古西行食東行至黑龍江訪其父時學士因學問優長  
書法端正已在將軍府掌書記廣新通謁學士不敢信廣新  
歷言家中細事甚悉父子相抱而哭將軍憐之爲之辦文助  
資父子歸里歸里三年學士卒亦可謂與朱壽昌並美矣

呂楊林 西章村鄉賢裕菴公裔也事親至孝湯藥親嘗平生  
遇無力婚葬者捐粟捐錢舍棺木舍墳地久辦公益未受報

靈寶縣志

卷十

孝悌忠義

一二十五

新豫印刷所承印

酬亦一鄉義士焉

王瑞元 平村人外孫樊文成年五歲父母俱亡公撫養成人  
給田十畝侄媳王孫氏少寡守一子及老子媳俱亡公憐其  
守節收養終身死厚葬之光緒間捐銀二百兩賑江南饑亦  
義士也

李楫 李家坪村人民國二年捐麥十石救鄉鄰饑九年又  
大旱公又捐粟十餘石鄰村有死不能葬者公又捐以墳地  
人以爲積德好義也云

梁廷選 卯屯村人民國十四年飢公以谷三十石大洋百元  
賑濟鄉人感德焉

張建堂 紀家莊人性至孝得親心調解鄉鄰糾葛無不竭盡心力

尙振彥 尙家莊村人生平廉直其孫拾人二十金藏之公力斥還之並云爾作此事使我無顏見祖宗之面亦今之古人焉

王得祥 東盤頭村人其母郭氏患老疾醫治三年無效得祥暗割左臂肉一片煎之奉母母病遂愈得祥享壽七十八歲人以為至孝之報

王種嶽 下莊村人邑庠生事繼母以孝聞母八十餘得癱患兼泄痢公污穢不避家畜一犬聞母瀉輒奔食出卽哇之人

靈寶縣志

卷十

孝悌忠義

二十六

新錄印刷所承印

以為公至孝所感犬特代公之勞焉中年與兄分居兄老病子不孝公以弟代子兄歿後 破產公輒復給之子名炎上孫四慰曾憲曾志曾思曾均孝友人以為公之積德云

李國藻 少出繼育于庶祖母毛氏毛病衣不解帶及卒祭葬以禮陳公伯生張公伯英聘任皆不就鄉隣製見義勇為睦嫻任恤匾額以紀其德

王福壽 下莊村人母得癱症公日夜扶持不少離一切細故皆身親之父病終日攜抱喪葬均盡禮盡哀鄉隣均以為至孝云

席育傑 字漢封南陽村人幼失恃繼母張氏待之虐公毫無

愠意事之如常及張氏有疾公夫歸親侍渴藥求諸神請以身代隣人有當其親之壽衣者公代爲贖回之又常捐棺材施墳地其孝義均無愧焉

王智順 佛瑤灣村人光緒三年賑飢村人送匾曰惠及鄉里  
蘇俊彥 梨園莊人開渠灌田數十頃修水磨十餘座農得其利商得其益又從水磨抽款辦學村人青年多得其施亦義人也

張相吉 重王村人光緒三年捐粟十石賑飢恩賜翰林院待詔

張邦清 重王村人光緒年間捐粟十石恩賜國學會出已資

靈寶縣志

卷十

孝悌忠義

二十七

新豫印刷所承印

爲二侄成家

席德麟 南陽村人少失怙行傭奉母出力興家好施與貧不能娶窮不能葬者公常周濟之陝州知州匾曰盛朝人瑞

席吉麟 南陽村人隣人有借廟銀五兩村人尋討債主不償公暗爲代償之兩造皆不知久之債主得悉償之卒不受

樊之德 清庠生北村人性至孝早失怙事母杭氏尤篤對兄盡弟道始以舌耕繼因母故却聘書母病痿痺飲食便溺公親經營之母歿掩柩在堂事死如生出告反面均於柩前及葬廬墓多日未常見齒亦完人也

張修禮 事繼母孝母生瘡便溺難下公每親身扶持之新店

村人

張纘緒 事繼母孝母虐待之公益恭且不敢以爲苦亦純孝也

李君選 重義輕財焚券弗償上憲旌以雲礽重義卒年八十四矣

焦應田 馮佐村人性好公益閱報紙見德棉府麥字樣輒赴遠方求之得種歸不圖私利竭立提倡由是而靈而陝近自河北遠及關西莫不獲德棉府麥之利鄉人爲之歌曰熱心公益秉性剛欲擴見聞覽報章偶見德棉府麥字不惜財力購遠方欣羨乎得種慷慨乎提倡有益民生恩膏溥萬古千

靈寶縣志

卷十

孝悌忠義

二十八

新編印刷所承印

秋姓字香

張拜昌 官莊原廩生幼失怙事母至孝母不悅常跪贖過一錢不入私室妹適任氏家貧公恤之厚設義學捐葬地辦公益精岐黃實孝子亦才人也

袁學純 字效先寨原村附生早失怙一弟孝純公視若掌珠弟入學來往必親迎送入泮後令弟大梁遊學家資雖窘於弟之學費無稍吝孝純後領鄉薦河東侯補鹽大使皆公力也亦可謂難兄矣

任斌 字文仙樓下村人生性剛直復慈善任縣公款局局長數年廉潔自持無一文私弊閭邑二十八里亦共信其無

私焉居家對於佃戶租常減免亦義人也

趙浚淇 字衛臣育賢園人光緒三十四年出巨金賑閩浙水災例賜監生

孫光裕 光緒三年散雜糧數十石賑飢勅獎脩職郎

李友松 柿子溝人光緒三年獨家煮粥放賑數月耗費無數家業受損至今人呼爲李善人家

李彩隆 焦村人父歿廬墓三年

常越駿 安頭人庠生三歲父母雙亡依兄越駒成人一生事兄如父兄怒常爲之下跪無愠意見死哭葬盡禮

伍起義 周家原人曾捐貲興學捨棺材施葬地排難解紛亦

靈寶縣志

卷十

孝悌忠義

二十九

新豫印刷所承印

可取焉

周寬義 周家灣人民國十一年老洋人將其侄扯去公追半里哭泣哀告言其侄年幼無母願以身代匪捨侄縛伊去行至安頭村遇軍隊匪遁去公得回叔侄俱全其義可風焉

孫宗魁 灣底村人同治元年粵匪到村村有二寨大寨已破賊攻小寨急公單身詣賊營說賊曰賊勒索多金公正色婉言以拒匪賊義公釋之並解圍去全活數千人光緒三年指困賑飢全活者又數千人卒年七旬有八親朋立碑記其德焉

李永昇 虢鎮東關人六旬乏嗣娶妻毋氏花燭夜妻痛哭公

慰之愈悲公曰吾知吾年老爾若不甘明且完璧歸趙女曰若得此請拜大人爲義父公遂受拜明日送歸財禮一文未償後娶妻馬氏生三子一女現時子孫蕃衍亦盛德之報焉

張文恆 澗東村人事叔母孝愛堂弟如同胞光緒三年出谷賑濟又施地施棺葬貧無依靠者十餘人

杜萬才 樓下村人弟茂才終身同居二世可風可忠堂兄弟仍同居三世俊成彰成功成從堂兄弟仍同居四世杜禎字幹卿族兄弟五人子侄亦多仍同居五世同居實爲厚德焉

張克敏 字樹齋豫西鎮守使署諮議熱心公益歷辦各種公事無絲毫弊亦古之遺直也

靈寶縣志

卷十

孝悌忠義

三十

新豫印刷所承印

李錫庚 閩李村人字少白事親孝持己廉處世和平以增貢舉孝廉方正精岐黃活人無數所著有靜宜集養性篇醫方心得尤精於詩有二十四節咏及各種詩歌僅錄其田間卽事一首以見一斑詩云山銜落日照東坡晚景田間樂事多散步歸來逢野老今年場麥打若何

劉純一 號園溪岸底村人性至孝通理學父歿厚葬蔬食飲水母歿廬墓終喪

李德順 西留村人同治初粵匪圍寨將陷公單身詣賊營說賊解圍 劉聖澤水泉城人平生好義屢行焚券

楊源泗 字道府萬渡村附生剛直耿介事繼母孝歷辦公益

財錢絲毫不染

郭致遠 巴樓村人郭甲三之子民十九年父子俱被賊扯去致遠聞賊私語言二人將來只放一人遂故罵賊而死以救其父甲三後得贖歸

王邦正 貝子原村人民十一年其友陳某父子被匪扯去其家人出百銀托邦正往訪邦正藏金於袴內至賊巢供扛抬役蹤跡十日不見陳某父子復逃歸陳某父子已先期得脫邦正將藏金盡數交還陳氏鄉鄰義之

王安仁 西孟村人家貧母病舌耕爲業設館必求十里內夜則歸家奉母晝則入館教讀以束脩奉甘旨十數年雖牧童

靈寶縣志

卷十

孝悌忠義

三十一

新修印刷所承印

亦知孝子王安仁之名

崔凌雲 號鎮東關人兄弟四公居次父早逝遺二弟幼公撫之成人及長欲分居公自移居寨外將房田悉讓二弟久之弟悟退公田其後四弟蕩產公又收與同居弟死厚葬之

崔光宗 號鎮東關人父母歿每飯輒祭每日省墳一次撫堂甥女成人施義塚葬無依之骨數具亦義人也

張誠儒 號鎮東關人苦耕好善脩村東石梁舉人楊錫元爲之撰碑以紀其德

張自謙 號鎮東關人兄弟三人分居弟蕩產公復招之同居終身無德色姊早寡無子公亦迎養終身歿厚葬之



楊三元 號鎮東關人東車村何文煥三日失怙公撫養成  
人稠桑鎮楊永茂夫婦逃難公收之三姓同居儼如一家後三  
元夫婦死三姓子弟同哀號送葬亦厚德焉

陳守坤 字厚菴號鎮人恩貢生端正和平終身無疾言遞色  
所著有政治錄一卷家訓十五條

張學朱 官莊人無子撫侄不納妾平生有言積德致祥圖財  
非吉故對鄉隣多善舉卒年七十四

博愛村敏英初級小學校捐款人姓名

張采茗 一百元 張三樂 四十兩 陳長榮 張仲孝 張仲友  
張四維 張安樂 王占平 李占平 以上七名各十兩 張篤行 張

靈寶縣志 卷十 列女 三十二 新豫印刷所承印

汝梅 各五兩 張應鏊 李順天 張華春 張貴春 劉俊才

以上五人各十四元 張四科 七元

列女

王郭氏 川口鎮人年二十夫亡子三歲守節撫子年六十有  
五終入節孝祠

荆田氏 城烟村荆全喜之妻二十三歲夫亡子一歲家貧孝  
親撫孤至死不懈

薛氏 磨裏村薛雲蔚之妻十九歲夫亡子半歲家貧氏撫  
子成家享年八十餘歲

薛董氏 磨裏村薛得勝之妻二十一歲夫亡子五歲撫子成

人守節終老

薛南氏 磨裏村薛宗周之妻二十五歲夫亡子兩歲氏教子  
度日家產無損

陳劉氏 西關大同街陳明學之妻明學十八歲病故氏年二  
十一歲矢志守節足不出戶者數十年現年七十八歲縣長  
孫褒以節孝壽考匾旌陳引川旌孫陳方策均能盡其孝道  
焉

閻薛氏 船裏村閻鳳枝之妻夫死守節現年七十一歲

薛趙氏 船裏村薛孟龍之妻夫亡守節現年七十三歲

趙王氏 船裏村趙德生之妻夫死守節現年八十歲

靈寶縣志

卷十

列女

三十三

新傳印刷所承印

李張氏 神窩村李鴻業之妻光緒三年盡賣衣服首飾度活  
全家性命

趙范氏 陽店村趙炎辛之妻二十三歲夫死又五月生一暮  
生子又天氏育一螟蛉終身操節隣里頌之

侯劉氏 西破頭寨侯運魁之妻生子一歲夫亡辛苦持家撫  
孤成人壽六旬有八

唐毋氏 唐家嶺村唐文成之妻出閨三日夫亡年十七歲守  
節撫侄年六十七

王任氏 東邱上村王光遠之妻年二十夫亡遺子宏謐半歲  
氏苦節四十餘年撫子成立卒年六十八

趙劉氏 大閭村生員趙錫祺之妻二十四歲夫亡氏矢志守節卒年六十九

衛婁氏 南大閭村生員衛步雲之妻二十餘歲夫亡教子成名守節五十餘年卒年七十六歲

李閻氏 破胡村李秀松之妻二十一歲夫亡事孀姑撫遺子守節數十年

劉申氏 大常村劉學彥之妻年二十餘歲夫亡守節至九十一卒

焦王氏 焦家寨村鹽巡檢焦清洛之妻少寡苦節孝親撫孤善作俚歌教化鄉村婦女尤可異者以一婦人關心國事所

編若諷若刺今載其光緒二十六年荒年歌以見當日之實事亦以博問俗探風者之一笑其歌云豐成荒治成亂國不正民不安光緒手內遭荒年人食人犬食犬十分就把七分死丟下三分陽世間不覺不計共五載鼠尾牛頭最可憐有錢的不待言沒錢的真難堪家中東西盡底翻袄子褲子藍大衫袍子褂子黑被單拿上衣服上水川有人問道幾文錢這些年限不爭端或是糧食或是錢拿回家去度荒年不說民衆受魔難光緒在朝不安然出北京往西竄一直跑到西長安往西去是逃難回東來甚威顯修行宮栽電桿銀錢花費幾萬千修大路花官錢人人行工理當然行並車甚寬展

拍土牛搬水缸盡是與民胡攤辦搭官橋修欄杆乃是木匠  
顯手段過皇差甚威顯娘娘太后真體面穿龍衣戴龍冠坐  
黃轎打黃傘清道飛虎一大片大官小員不計數騾馬曳車  
過一天走的緊跑的歡一直跑到靈寶縣離的遠我沒見焦  
門王氏回家轉閒暇無事把他編要知老婦多少歲今春平  
安七十年

觀此老婦之歌則知靈寶當日之苦楚皇差之耗費君不  
恤民清社遂終古人云讀摩詰之詩詩中有畫此歌雖俚  
出於老嫗讀之如見當日之情反復數四淚隨筆下因載  
之以爲留心世道者鑒

靈寶縣志

卷十

列女

三十五

新豫印刷所承印

李趙氏 西常册村人李俊之妻年二十二歲夫病故生子庚  
申甫五歲氏上奉繼母下教孤子現年六十七歲終日勤勞  
不懈又撫孫生榮成人鄉隣咸贊美焉

何許氏 東古驛何應丙之妻節孝兩全養親教子卒年七十  
八歲

何李氏 東古驛何子琇之妻事公姑教子孫成節成孝人實  
難之卒年七十二歲

何焦氏 東古驛何福令之妻家道淡薄勤儉度日一生不懈  
卒年七十二歲

何許氏 東古驛何文運之妻治家勤儉節孝可風卒年六十

二歲

尙杜氏 尙家莊尙雙喜之妻十六歲夫亡事姑李氏甘旨必具成就小姑三人出嫁撫叔昌行 家立業人以爲苦節可風

紀亢氏 紀家莊紀崇孝之妻年二十生一女姑生一子名崇信姑無乳氏以一乳乳叔一乳乳女女以乳不足殤叔以得乳全氏毫無怨色翁年六十臥疾不起氏侍湯藥年餘無怠色教養侄男侄女如已出年六十餘紡織不已生二子敏勤銘助均能孝人以爲善行之報云

王李氏 下莊村王種玉之妻年二十餘夫亡翁六十餘三子

靈寶縣志

卷十

列女

三十六

新像印刷所承印

松壽熙壽保壽均幼氏孝翁過於男子飲食衣服事事必體翁心撫三子成人翁死盡哀手不釋針工衣不御綢緞親族有事盡心經營女中孔孟實無愧焉現年七十六歲孫與曾孫滿堂人以爲節孝之報云

張李氏 官莊原村附生張裕泰之妻年二十餘夫亡留子保昌忠昌俱幼氏守節理家絕甘旨棄脂粉辛苦數十年鷄鳴而起更殘不眠遂至家道大盛富冠一鄉且喜施飯施衣窮人皆視爲活佛故氏死三十年追談者猶無不欽佩焉

紀張氏 紀家莊紀崇富之妻二十八歲夫亡姑老而盲子又幼穉其母亦貧老無依氏迎至家一方事姑一方事母死均

盡哀撫子成人鄉隣莫不頌其德云

王邢氏 東盤龍村王世佑之妻母患病二年醫藥罔效氏割左臂肉煎湯奉母母病愈又三年始卒邢氏現年七十一歲

李宋氏 北宋村李王華之妻初入門未成禮而夫死氏守節終身卒年六十餘族黨爲製白首完貞匾以旌之

李彭氏 北宋村李鷓鳴之妻嫁六十日而夫死氏年十六誓守節取淫守基爲繼守基屢剋妻遺子女數人皆氏撫養之孫國棠又剋妻遺曾孫子女數人氏又撫養之卒年七十五歲

韓許氏 西窩村韓明德之妻年二十餘夫卒事親守節撫子

靈寶縣志

卷十

列女

三十七

新豫印刷所承印

東山成人光緒間入節孝祠

王樊氏 佛塔灣村王川之妻年二十五夫卒撫子事舅姑現年六十歲

王張氏 佛塔灣村王一本之妻年二十餘夫卒撫子智順終身如一日卒年百歲光緒三年入節孝祠

張張氏 杏花村張憲書之妻年三十夫卒無子取三堂孫爲嗣撫養七歲堂姪某將子取回霸種田產逼氏改嫁氏置之不理復取二堂孫爲嗣不幸到家未久夫妻俱亡留二孫氏教養之現年七十八歲

張李氏 杏花村張喜之妻二十九夫亡守節撫子繼而子亡

媳嫁留一孫氏撫之現年七十

蘇劉氏 梨園莊蘇登山之妻二十七歲夫亡遺老姑貧如洗氏紡織奉養餘錢爲姑備棺木姑死葬亦盡禮享年七十有三

三

蘇黨氏 梨園莊蘇義交之妻二十七歲夫卒取姪孫俊彥爲嗣卒年七十有三

楊謝氏 邢家莊人年二十七夫卒夫卒五月後生子廷舉氏撫養成成人終其身如一

高蘇氏 邢家莊人年二十四夫亡後二月生子連喜氏撫子守節終身焉

靈寶縣志

卷十

列女

三十八

新豫印刷所承印

高李氏 邢家莊人年十七夫卒撫子耀輝守節終身焉

史孟氏 神窩村史占慶之妻事公姑孝佐夫成家夫死後教子課孫克勤克儉現年七十二歲貢生孟六初之女也

史劉氏 神窩村史日文之妻事姑孝教子孫讀書現年七十  
六歲

高樊氏 高家灘村高秉禮之妻秉禮死家貧氏紡織以奉舅姑卒年九十有六

許李氏 杏花村許珊之妻夫早卒守節撫孤鄉隣共送一匾  
文曰苦節流芳

李任氏 梨園莊李斌之母

蘇李氏 梨園莊蘇臨鏡之母

蘇李氏 梨園莊蘇班祿之母

李彭氏 佛瑤灣李進苑之妻

李張氏 佛瑤灣村李上苑之妻

以上五人均二十餘夫卒守節終身鄉隣無閒言

張亢氏 路井村光祿寺署正張鳳池之妻二十四歲夫亡親

生子二前房子二女一氏一視同仁長子次女適劉姓貧無

依氏迎與同居終身勤儉手不失紡織業卒年七十有餘

張張氏 路井村張光偉之妻過門三日夫亡守節三十餘年

卒年五十餘歲

靈寶縣志 卷十

列女

三十九

新像印刷所承印

張李氏 張清漢之妻年二十餘夫亡事姑極孝卒年七十七

歲

李王氏 揚八灣李春鳩之母二十四歲夫亡事姑撫孤現年

七旬

焦彭氏 李曲橋焦永慧之妻二十五歲夫亡紡織事姑姑死

以禮葬未常有怨言鄉隣稱孝焉

齊秦氏 嶠底村附生齊鶴山之妻於歸後旬日夫亡紡織奉

姑撫前子如己出鄉隣稱焉

陳王氏 川口鎮陳丁亥之妻二十一歲夫亡育侄為嗣守節

終老卒年七十



趙田氏 布莊村趙鳴鶴之妻二十二歲夫亡子三歲氏養姑撫子卒年七十八歲

田趙氏 窰裏村田有慶之妻少年夫亡取姪爲嗣卒年八十四歲

張楊氏 新店村張奉宗之母事姑孝姑性非肉不飽而家境艱窘氏百計設法色養無缺不使姑見其不易後姑疾篤左右無人氏親侍湯藥晝夜不離亦純孝也

焦劉氏 馮佐村焦紙田之妻夫早卒氏事公姑孝教子姪嚴現年七十二人呼爲笄而弁者

樊焦氏 北村樊居國之妻夫亡時子一歲氏孝親撫孤卒年

靈寶縣志

卷十

列女

四十

新豫印刷所承印

八十四親族匾曰節義並著

胡楊氏 官莊村附生胡超之伯母夫早亡無子撫侄如己出教之成名卒年七十有二

胡王氏 官莊村胡典順之妻二十二歲夫亡留子一年半歲氏苦節撫孤現年八十歲

張樊氏 新店村張滋霖之妻幼年夫亡守節終身卒年七十四歲

李王氏 李家寨李景春之妻夫少亡撫孤成人卒年七十四  
焦茹氏 馮佐村焦一舉之妻少年守寡卒年八十九親朋匾以節壽雙高

焦史氏 馮佐焦逢時之妻夫早亡孝親撫孤鄉隣無間言  
張曾氏 新店村前本縣縣長張烈之母年十九夫亡辛苦終  
身鄉隣共稱焉

張張氏 官莊原張熾昌之妻年十九夫亡取侄爲嗣孝翁姑  
無間言年七十卒邑令旌之送入節孝祠

張何氏 官莊原張冠羣之妻年二十餘夫亡撫侄爲子孝翁  
姑無少懈年八十卒戚里懸牌旌表之

齊袁氏 嶠底村附生齊松山之妻中年夫亡撫姪如已出事  
姑之孝近代所無而且勤儉持家家產雖落而家風嚴正氏  
之力也現年六十一

靈寶縣志

卷十

列女

四十一

新豫印刷所承印

張袁氏 官莊原村張崇廷之妻中年夫亡留一子撫之成人  
子又喪留二孫氏又撫之成人苦中之苦亦難能也現年六  
十有五

李袁氏 馬泉村李景暉之妻二十歲夫亡無子苦節無倚而  
矢志彌篤亦晚近之所罕見也

王李氏 幼年夫亡矢志不嫁撫暮生子耀堂成人

郭范氏 東水頭村郭益朋之祖母二十四夫亡守節終老子  
孫興隆

荀張氏 荀恆興之母二十八歲夫亡家寒紡織以奉雙親教  
子成人民國八年大總統黎旌以志潔行芳匾

吳李氏 吳成書之伯母二十二歲夫亡矢志守節現臻髦耄  
雷樊氏 雷經天之母幼年喪夫撫孤成人鄉隣頌賢焉  
曾張氏 曾岐山之妻早寡事翁姑孝撫兩姪慈善醫小兒諸  
症戚黨立碣頌德焉

楊申氏 幼年守寡老而彌篤

茹荆氏 城內人幼年守寡婦德無虧現年七十三

劉茹氏 城內人幼年寡貞節可風現年七十二

劉吳氏 城內人二十二歲夫亡立志守節現年七十五歲

党杜氏 城內廩生党敬亭之母少年夫亡遺子一女一上孝

翁姑下撫子女卒年八十八歲

靈寶縣志 卷十

列女

四十二

新豫印刷所承印

劉邵氏 城內劉慎之妻年二十九夫亡氏守節事姑姑稍怒  
則跪庭前姑喜方起撫子成人里中稱焉

張杜氏 本城張成學之母少寡而貧守節撫孤現年七十二  
親族爲之立碑焉

杜袁氏 本城人二十一歲夫亡撫一子生孫而子亡作苦育  
孫數十年如一日

王蘇氏 本城王書俊之母少寡家貧針黹撫孤卒年六十七  
歲

李張氏 焦村李凌仁之母十九歲夫亡守節四十餘年子孫  
均一手撫成

呂白氏 磨溝村呂博益之妻二十一歲夫亡一月生子廷望氏孝翁姑撫遺孤終身不懈廷望後生三男二女人以爲節孝之報云

楊趙氏 岳渡口楊緒芳之妻早寡撫子茂桂成人

楊張氏 楊茂桂之妻早寡事姑孝撫子慈紡織終身無愠意  
張亢氏 張生春之妻二十六夫亡無子取姪豐象爲嗣事親孝撫侄慈卒年六十歲

許呂氏 留村許梓玉之繼室也元配留一子氏撫若己出氏後生子德潤八旬而夫亡寡姑遺孤以氏爲命德潤娶妻生孫振武而德潤夫婦又亡氏又撫孫成人

靈寶縣志 卷十

列女

四十三

新像印刷所承印

何王氏 西車村何新吉之妻二十一歲夫亡子半歲撫養成  
人子二十歲忽亡氏又取侄爲嗣產始生子而侄又亡氏又撫養幼孫孫至十三歲又亡氏現六十五歲猶紡織自養其節亦苦矣

孫何氏 灣底村孫逢吉之母二十三夫亡子僅三月氏守節事親撫孤成人苦節六十二年卒年八十四入節孝祠

王杜氏 婁下村人年二十一夫亡子三歲事翁撫子子十八忽得病殤氏以無嗣勸翁納妾翁年過花甲不允氏強之越一年竟生一子氏現五旬奉翁撫叔不以爲苦焉

許李氏 南營村許邦昌之妻

張毛氏 南營村張星郎之妻

張尙氏 澗東村武生張虎拜之母

許趙氏 號鎮許熾之妻

許吳氏 號鎮許召旬之妻振亞光亞之母

陳閻氏 小寨村人

張王氏 思平口人

賀李氏 東關村賀振娃之妻

陰王氏 東關村人

林白氏 林元之妻

以上十人皆少寡守節鄉隣公頌焉

靈寶縣志 卷十 列女

四十四

新象印刷所承印

陳李氏 陳奉之妻

陳王氏 陳備三之妻

陳張氏 陳守忠之母

陳任氏 陳祖廷之母

陳林氏 陳厚菴之母

以上五人皆以苦節崇祀節孝祠

白侯氏 西留村白受采之祖母夫死撫孤獨理家政光緒三

年出粟三十石賑濟

許趙氏 北賈村許復齋之妻十三歲夫死守節終身

郭許氏 巴婁村郭鈞來之妻

羅楊氏 羅家上羅宗敬之妻

何武氏 羅家上村何安虎之妻

任陳氏 萬渡村人牛莊陳維江之孫女

以上四人皆少年守寡苦節終其身

楊楊氏 號鎮楊郁文之母少寡撫孤守節終身里人爲立節孝碑

王蘇氏 婁下村王治國之妻中年喪夫撫孤成人守節五十餘年如一日焉

王李氏 婁下村王興業之妻夫亡孝姑撫子鄉里無間言  
何邵氏 梁村何嚴恭之妻夫亡家貧孝姑撫子終其身

靈寶縣志 卷十 列女

四十五

新豫印刷所承印

張盧氏 官莊村張明堂之妻二十一夫亡姑老子幼受盡艱  
難孝姑撫子卒年七十八

張齊氏 官莊原村張重福之妻年二十五而寡無子家貧氏  
上事盲姑下撫幼姪備歷艱苦且治家有方故終致小康卒  
年六十有五

建劉氏 西水頭村建奉祿之妻中年夫亡氏守節撫孤子旋  
子又死氏志不少衰益勵勤苦親族僉稱其賢

楊王氏 萬渡村楊作梗之妻夫早亡遺孤彌月氏常指孤而  
言曰楊氏之香煙其在斯乎遂命名源泗氏日夜爲人紡績  
供子讀書勤苦五十載如一日卒年七十五歲

梁李氏 卯屯村梁璠之妻事親至孝歿後數年常聞人贊留子發明聰明過人鄉隣以爲至孝之報云

李趙氏 西常册村人李樹德之妻中年夫故只生一女前室留一子氏視如己出子二十又死孫一歲又撫孫成人每日勤勞不懈家業無損家風嚴正人難爲之享壽八十四歲鄉隣常云樹德辦公克己才得賢妻之報焉

### 烈女

陳楊氏 趙吾村陳太平之聘妻尙未成娶民國十五年匪首楊占光至趙吾氏投井而死時十七歲

王張氏 王雲山之妻下磴村張江海之姊也民十一年老洋

## 靈寶縣志

### 卷十

烈女

四十六

新豫印刷所承印

人至村適值氏歸寧後賊欲辱之罵不絕口攜其女投入井中其母亦繼之寧死不辱實天地之正氣也

下磴村杭永全之侄女年十七女二一年十二年十歲媳杭張氏年二十民國十一年老洋人至下磴姊妹姑嫂相攜入井賊恨之燃柴擲於井底死尸全成灰燼杭張氏彼時懷孕將及分娩賊之酷已甚矣而杭氏之姑嫂四人守節同死較之唐之竇氏二女近代靈寶之雙烈有其過之苟問俗採風者錄其事而旌表之則庶可以慰貞魂而維世道焉

小村李烈女 女秉性貞烈有姿容民國九年六月間土匪三百餘名剽掠其村擁女去女罵不絕口賊慰以溫語女自毀

其面血流滿身罵賊益力賊怒其罵且見其容已毀鎗斃之推尸崖下而去

趙孫氏 川口鎮趙祖普之妻民國十一年年十九七月間老洋人桿匪至川口氏逃入石窰寨匪破寨氏不辱投崖死張焦氏 新店村張誠意之妻年十七適公產一子幼卽殤頃之公染疾謂氏曰霜婦守固佳嫁亦人情我若不幸汝守耶嫁耶何妨質言之氏以必守應公爲之稽顙焉公卒氏蓬首垢面門常內扃不通問聞忽而謠言四起謂氏不安於室氏聞之號哭幾死泣謂鄰婦曰吾許夫以必守豈中變乎彼謠言者不過欲博吾貲財耳忿忿歸家出其所蓄古玩粉碎於

靈寶縣志

卷十

烈女

四十七

新編印刷所承印

庭又盡出其服飾於庭前焚之烟籠里餘遂仰藥待斃見者無不酸鼻而謠言頓息焉隣婦營救得不死病蘇後常以衣食予丐者後取一螟蛉撫之六歲卽送入學十歲擇聘蘭氏女心稍慰孰意此子野鴛難馴負恩逃去蘭亦改適氏卽謝絕飲食期以必死年餘忽破涕爲笑曰是吾命也復何尤遂以紡績終其身卒年五十二

張張氏 貌醜惡幼時被人掠賣張姓爲婢年十八新店張會元公娶之公年五十有五有田四畝入室後生二子俱夭殤二十六歲夫亡氏日採薪夜紡績以爲常每年四畝所收之租不敢盡食光緒三年歲大飢氏有麥七斗盡散於族人或



笑其癡氏曰我未亡人也彼皆宗祀所係此麥宜孰食乎頃之族人盡死氏亦幾死而未絕兇荒出採薪遇狼啣其頸氏以手持狼喙狼不得脫大肆跳躍氏亦隨之上下見者羣逐之時狼已嚙斷婦耳氏以手探狼口出其耳環狼逃去或憐其少寡諷以何自苦若此氏曰此等異事亦偶然耳再勸則不言採薪如故無何有族淫名命子者久乞來歸氏喜曰天猶不絕張氏耶卽與同居爲之擇配誰料命子不才夫婦共吸鴉片氏復與異炊久之命子生子名春學氏復收養之又爲童養一媳春學稍長行如其父氏已年高惟鞠躬盡瘁而已年七十三而卒衣衾棺槨皆氏夙具氏之節亦苦矣春學

靈寶縣志

卷十

烈女

四十八

新豫印刷所承印

現有二子皆二十餘歲媳氏一綫之延非氏之功其孰歸焉  
李陳氏 李廷佐之母民國十一年老洋人梶匪陷城扯廷佐氏拚命將廷佐奪回罵賊不已賊害之

李張氏 呂家原李文育之妻民國十九年正月十九日趙老十梶匪至村氏恐被污撲崖而死

毋李氏 南營村毋允凱之妻夫亡氏撫孤守節十一年老洋人至該村擬拉氏去氏罵而且泣投井而死

姚閻氏 虢鎮姚會友之妻民十一年悍匪老洋人欲辱之氏怒罵激烈被匪槍斃

劉党氏 岸底村劉遇鏗之妻民十一年巨匪老洋人至村仰

天祝曰吾世代名門豈肯受辱卽投崖而死賊去後半日方  
甦亦節烈矣

龐劉氏 秦村龐世安之妻少寡守節值年荒鄰人諷其再醮  
氏憤甚飲毒死

毋李氏 北淪渡村毋自滿之妻民十一年土匪至村氏年二  
十二恐被污服毒死

義勇

高隨巷 川口鎮人民十一年七月一日匪首馬得勝至川口

高勦匪陣亡

何苟悶 宸裏村人二十二年五月一日隨王儒珍乾山勦匪

靈寶縣志

卷十

義勇

四十九

新豫印刷所承印

陣亡

盧水蟬 趙吾村人民十三年八月追匪首鄭富成肉薄奪匪  
槍一支中彈亡

何天衡 袁創業二人礮底村人民國九年三月二十四日在  
閻謝村追匪首董十五陣亡

翟新益 翟來娃 李春清 三名俱礮底村人民十一年七  
月巨匪老洋人攻礮底寨三人率衆抵抗八小時寨破三人  
率男十四名女三名俱罵賊被害

拒

李海水 閻謝人民國九年追匪首董十五陣亡

李率振周 閻謝人川口區區長民十七年十二月二十三日

拒

匪被害

維 騾 梨灣村人民十七年十二月三十日率民壯追賊所  
害至死罵賊之聲不絕

李生輝 西常册村人民十七年賊至村率民壯出追被賊所  
害

左執章 川口人 左尚哲 執璋侄 牢項 執璋仔人

民三年五月十三日洛甯匪首杜老六率匪三百餘人攻川  
口鎮執璋三人與賊相鬪數時村人賴以得脫三人卒被匪  
害

陳可權 陳作舟 陳夏娃 陳虎振 陳 項 陳 順

靈寶縣志

卷十

義勇

五十

新豫印刷所承印

以上六人均趙五村人民十一年七月初九日老洋人股匪  
破莊底村石瑤寨六人持土槍與匪五百人對擊六時藥盡  
寨陷並被害

張世珍 字希卿在東山勦匪殉難

許 銘 字鼎臣田村人在虢鎮南勦匪殉難閣縣立碑紀念

朱天祥 趙海山 張虎臣 李增桂 以上四人均隨許銘

追匪同時殉難

白玉琪 虢鎮人十八年禦匪死難

張同科 韓家窩村人民國十八九年充十七局隊長勦匪認  
真勇敢異常十九年七月間圍勦著匪郭同士等被傷斃命

王福林 巴樓村人民十三年土匪程秀明陷村堡福林直前  
與門彈中胸腹猶擊賊不少退救兵至賊竄去救閣寨數百  
口繼而以創潰死亦烈矣

亢仲濂 嶽山村人民國二十一年勦匪陣亡

李宗超 閻李村人民國二十一年勦匪陣亡

人瑞

柴麒麟 柴家原人一百零三歲

紀馬氏 紀家莊紀中之母年一百零一歲

董杜氏 下磴村人壽一百一十歲

王張氏 佛塔灣村人壽一百歲

靈寶縣志 卷十 人瑞

蘇席氏 梨園莊人享壽一百零一歲蘇兆豐之祖母子五女

二孫八曾孫十二元孫二臨終之時男女六十餘口

宋杭氏 朱家窩村人享壽一百零三歲

彭王氏 下坡頭彭聘英祖母享壽一百零五歲

劉世祿 布張村人享壽一百一十歲

彭梁氏 馬新村人壽一百二十歲

齊龍全 嶠底村人享壽一百零二歲弟清全九十九歲

張崔氏 寨原村張丙戌先生之母享壽一百零一歲

建楊氏 西水頭建居智之祖母享壽一百零八歲

李陳氏 李家寨李振華之母享壽一百零六歲

樊史氏 北村樊採芹之祖母享壽一百零三歲

吳孟氏 壽一百零二歲城內人

杜曾氏 杜學德之母壽一百零二歲

周白氏 小寨村人壽一百零三歲

張王氏 思平口村人壽一百歲

郭王氏 巴樓村人郭仰青之母壽一百零一歲

崔萬祥 壽一百零一歲

陰鳴鸞 壽一百零八歲

趙任氏 墻底村人壽一百零五歲

任王氏 馬泉寨人壽一百零三歲

靈寶縣志 卷十 救濟

五十二

救濟

倉儲管理委員會其地址附設救濟院內部組織管理委員五  
人民國二十三年建築倉廩三間積谷三百石區倉現正籌辦  
賑務分會在本城南街主席王鴻業委員雷應天張映虛楊善  
述張書魁查民國二十年靈寶灾情奇重之際上海紅萬字會  
普人慈善社在靈城鄉設立粥廠六處全活無算災民愛戴嘔  
歌頌揚茲擇錄當時民間救荒歌一首于後以見一班災民之  
苦狀焉其詞曰我靈民痛堪傷可憐連歲兵匪荒呼庚癸喚窮  
蒼恐怕難免於死亡家離散逃四方觀此情景淚千行有十室  
空九箱熬煎難到麥稍黃論糧價不甚昂手中無錢怎樣量白

晝思黑夜想束手待斃無良方幸喜的福星臨來到靈寶救災  
民沈雅卿施襄臣監督粥場甚殷勤張潤夫惠子剛辦理賑務  
世無雙真慷慨解義囊豫西災民都沾光在靈寶設粥廠賑濟  
靈民德無疆城內邊粥廠開遠處貧民難以來諸慈善有大恩  
爲此才把粥廠分在神窩東上村分設粥廠救災民從此後民  
得生真如稿苗勃然興施仁慈積陰功留芳百代有仁聲靈寶  
民沐大恩老少叩首把香焚再造之德何以報惟祝慈善萬萬  
春

